

Dithoto tša masepala wa Tswaing le tša khamphani ya go aga di tlhometšwe ka lebaka la sekoloto sa motšhelo sa go feta R40m

Tshwane, 27 Agosetose 2021 – Dithoto tša masepala wa selegae wa Tswaing ka probenseng ya North West di tlhometšwe ke šerifi, ka lebaka la sekoloto sa motšhelo sa R30-million seo se kolotwago go Ditirelo tša Motšhelo tša Afrika Borwa (SARS).

Masepala wa selegae, wo o akaretšago ditrope tša Delareyville, Sanieshof le Ottosdal, e rometše dipušetšo go SARS eupša ya palelwa ke go dira ditefelo dife goba dife tša Lefela ka ge o gola (PAYE), Levi ya Tšwetšopele ya Mabokgoni (SDL) le Sekhwama sa Enšorensa ya go se Šome (UIF).

Go se lefele go bakile sekoloto sa motšhelo sa R30-million.

Dikhamphani tša praebe, dikgoro tša mmušo, gammogo le bengmešomo ba a kgopelwa go ya ka molao go goga metšhelo ye go tšwa go bašomi gomme ba lefele ditšhelete tšeo go SARS.

Mabakeng a mangwe, šerifi o tlhomile dithoto tša khamphani ya go aga ya *Independant Minds 107 (PTY) Ltd* morago ga ge e rometše dipušetšo tša PAYE, UIF le SDL ntle le go dira ditefelo. Sekoloto seo se šaletšego morago sa go kolotwa ke khamphani ye ke R 10-million

Khomišinare wa SARS Edward Kieswetter “o laeditše maikutlo a go tsenelela kudu a tlhokego ya obamelwa. SARS ga e sa na ka mokgwa o mongwe e ka šomanago le taba ye ge e se fela go ipiletša go molao go šomana le go se obamele ga balefela motšhelo ba ba bjalo”.

Magato a a nyalelana le ditebo tša maano a setheo, ao e lego go fana ka tlheko le tiišetšo go balefela motšhelo gore ba kgone go obamela boitlemo bja bona, ka lehlakoreng le lengwe go nolofaletša gape le go lefiša balefela motšhelo bao ba sa obamelego boitlemo bja bona.

“SARS e tloga e ikemišeditše go kumula setšo seo se metšego ka medu fao ketapele ya dikhamphani e faelago le go romela dipušetšo empa e sa dire ditefelo. Maitshwaro mabe a mohuta wo a gatelela fisikase yeo e swanetšego go lefelwa gomme go tloga go koafatša maemo a balefela motšhelo bao ba obamelago.”

O phethile ka gore “SARS e tloga e hlokomedišiša setlwaedi se, gomme bohle bao ba tšwelago pele ka maitshwarompe a ba tloge ba tseba gore re ka se ba hlokomologe, go se na taba gore ke khamphani efe yeo e amegilego. Mola SARS e dula e butše monyako wa kamano ya dipeakanyo tša ditefelo, e tla tšea magato ntle le poifo, kgethollo goba go hloka tekatekano kgatllhanong le balefela motšhelo bao ba sa laolelego. Se ke temošo go batho ka moka bao ba kgethago go sepela tsela ya go se obamele.” Mrn Kieswetter o boletše bjalo.

Go hwetša tshedimošo enngwe, ikgokaganye le SarsMedia@sars.gov.za

